

# melele ko 7 remool im kwōj aikuj jelā kin Wā ko an COVID-19



## Melele Mool #1 Wā ko an COVID-19 rejab lewaj COVID-19 ñan kwe.

Ejellok jabdewōt mōttan kij in nañinmij eo iloan wā ko an COVID-19, innem ebañ kōmman mennin am bōke COVID-19. Wā ko an COVID-19 rej kejbarok kwe jen nañinmij eo. Kwōmaron metak ak nañinmij ālikin am bōk wā eo, einwōt metak beim ak biba. Men kein rekkā im elab an walok ibben armij.



## Melele Mool #2 Wā ko an COVID-19 rej letōk kejbarok, jekdoñ ñe ear mōkaj aer kōmmani.

Ejellok laajrakin kōmadmōd ko rar kajeoñ ilo aer kōmmane wā ko an COVID-19. Elablok jen joñoul yiō in an scientist ro ibelakin lal kōmadmōde kein jermal kabel in. Wunin an kar lukkun maron mōkaj an kōmman wā eo ej letōk kejbarok im jejjet an jermal.



## Melele Mool #3 Wā ko an COVID-19 remaron kejbarok kwe jen elōñlok jen juon oktak in nañinmij eo.

Kij in nañinmij ko rej oktak, ak rej kōmman oktak jidik ko iomwin ien. Melele ko rej kwalok ke wā ko an COVID-19 ejejjet aer jermal jen elōñ oktak in nañinmij ko emōj de ad loi jen kij in nañinmij eo ej kōmman COVID-19.



## Melele Mool #4 Wā ko an COVID-19 rejab jañiji kobban kij in bōrañ ko am (DNA).

Wā ko an COVID-19 rej wā in mRNA im rejab kobalok ibben DNA (kij in bōrañ) eo am ilo jabdewōt wāween. Rej kōmman wāween bōbrae jen nañinmij im ej kōmman antibody ko ñan kejbarok bwe kwōnjab nañinmij kin COVID-19.



## Melele Mool #5 Wā ko an COVID-19 rejañin kobalok ilo ad jelā ke rej kōmman wōrañe ak mij lojeen kirae kora ro rebōrōrō.

COVID-19 ejañin kōmman an kora wōrañe ñan ro emōj aer bōk nañinmij eo, innem ejellok wunin tōmak ke kij in nañinmij eo ej kōmmane mennin. Ekkar wōr jet melele ko rar ajeeded online im **rejab mool**; im rej ba ke protein eo iloan wā eo ej kōjorren protein eo ilo jikin niñniñ (placenta) eo an kora. **Mennin ejab mool**. Joñan amino acid ko eiit ilo ruo protein ko ebañ kōmmane mennin. Wā ko an COVID-19 rejañin teej ibben kora ro rebōrōrō, bōtab kora ro rebōrōrō rej ebōk wā ñan nañinmij ko jet ilo ien aer bōrōrō. Kora ro rebōrōrō elablok joñan uwōta ñan aer bōk nañinmij kauwōtata jen COVID-19 im remaron lelok COVID-19 ñan niñniñ eo nejeir ālikin an lotak. Kenono ibben taktō eo am ñan lale elañe kwōj aikuj wā.



## Melele Mool #6 Wā ko an COVID-19 ejellok microchip ak kein jermal kabel ko iloaer rej anōk ak ebōk melele.

Melele ko rejab mool kin an wōr microchip ak kein jermal kabel iloaer rej anōk ak ebōk melele **emōj kamool ke rej melele ko rejab mool**. Kim jelā ta ko rej bed iloan kajojo wā ko. Kwōmaron loe laajrakin etan men ko kobban kajojo wā [online](#).



## Melele Mool #7 Armij ro ewōr aer nañinmij ko rejab bōjrak rej aikuj wā ilo ien eo wōt remaron bōk wā eo.

Ñe ewōr am nañinmij ejab bōjrak, einwōt toñal, kwōbed ilo uwōta eo elablok joñan ñan am bōk nañinmij kauwōtata jen COVID-19. Wā ko an COVID-19 rej lelok kejbarok im ejejjet aer jermal ñan armij ro ewōr aer nañinmij ko rejab bōjrak.